



partii naleraq

09.Oktober.2017

UKA2017/58

Timersortartut nuna tamakkerlugu unammisartut peqataanerisa taakku sulliviinut imaluunniit ilinniarnernannut sapinngisamik ajoqutaasinnaasumik kinguneqaqqunagu, qanoq iliorluni timersortartut nuna tamakkerlugu unammisatut atugaat pitsanngorsarneqarsinnaanersut misissoqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Kalaallit Nunaanni Timersortartut Kattuffiat, immikkut kattuffiit kiisalu allat susasaqartut soqutigisaqaqatigiit misissuinnermut UKA2018 tikitsinnagu Inatsisartunut agguanneqartussamut peqataaninneqassapput (Inatsisartunut ilaasortaq Nivi Olsen, Demokraatit)

Timersortartut nuna tamakkerlugu unamminernut peqataasarnerisa, pitsanngorsaataasinnaasunik misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut Nivi Olsen-imit qaqinneqartoq Partii Naleqqamiit imatut oqaaseqarfigissavarput.

Nivi Olsen-ip qaqitsinermini susasaqartut tamaasa peqataaninneqarnissaat misissuinnissami oqariartuutaa tunngaviatigut isumaqataaffigaarput.

Naalakkersuisulli akissuteqarnerminni tunngavilersorfigaat maannamut assigiinngitsut aqutigalugit timersornermut tungassuteqartunut aningaasalersuisoqareersoq aammalu aalajangiiffigisassatut siunnersuut itigartinneqassasoq siunnersuutigalugu.

Taamaakkaluartoq Partii Naleqqamiit misissuisoqarnissaa innersuupparput misissuisoqarnissaanullu aamma makku ilanngutillaqqullugit assersuutigalugu: Savalimmiormiut Isikkamik arstartui Nunarsuarmi pisartanngorniunnissamut angunniunnermut suut aqutit atorlugit ilaanersut, Kalaallit Nunarput qanoq iliorutta ilaatittalissavarput il.il. tassa tamakku misissullaqqunarput aammalu atugassarititaasut. Qiimmattaatigisaqaarput nunarput sinnerlugu unammisartugut nunani allani unammileraangata qanoq anersaakkut timikkullu nakussanartigisoq takullugu erfalasarput amuneqartoq Inuiattut erinarsuuterput atorneqartillugu atortinnartigisartoq taamaattumik aamma timersortartutta timersornikkut periarfissai pitsanngorsarnissaat ilungersuuttariaqarput.

Qaa timersortartugut nunanut allanut unammiaartortartut maanilu nunatsinni timersortartugut tapersorsorniartigit.

Taamatut oqaaseqarluta siunnersuut aappasaaniinnginnerani ataatsimiititaliamut susasaqartumut innersuupparput, ataatsimiititaliallu sulilluarnissaannik kissaallugu.

Qujanaq

Henrik Fleischer